

摘藻堂四庫全書薈要

集部

欽定四庫全書薈要卷一萬三千一百十四

集部

聖祖仁皇帝御製文第三集卷三十

雜著

古文評論

杜欽

訟馮奉世疏

大指與劉向訟甘延壽疏同體制亦略相似

翼奉

應直言封事

引經徵事樸樸不雕

薛宣

申勅刺史疏

刺史外吏之表率也宣言於是乎得要領矣

王尊

勅掾功曹教

鷹鷂之志見乎行墨

劾匡衡張譚奏

尊為司隸在孝元時適當顯顯權衡譚比附之際而寢  
默不言此時成帝即位顯已徙官尊劾雖當惜其稍晚  
公乘興

訟王尊書

先歷舉尊之功狀次言被劾之由別白是非條理秩秩  
足令忠臣吐氣讒人戢志

劉輔

諫立趙婕妤疏

妃匹人倫之始王化所從出也自非有德之世不可以奉神靈之統而樹宮壺之儀成帝於是乎失德矣

谷永

祭祀方術奏

窮極方士情態可以正人心維風教

訟陳湯疏

儼刻之筆書剗至之情結構最勝

梅福

言王氏書

斥言王氏如此切直谷永輩見之能無慙色

請封孔子世為殷後書

意王尊禮尼山而以繼嗣為言辭復警動

孔衍

上書辨明家語

家語真孔氏書與孔叢自別得博士言更足據正矣

耿育

訟陳湯書

湯即不侯有此一書可以無憾

王嘉

請重二千石疏

闊略細故勿數改易皆深達治體之言然須慎簡其人  
乃有實效

遣將行邊對

動民以行應天以實聖人復起無以易此兩言

日食論董賢奏

論自爽徹意亦懇到

再論董賢奏

文無枝詞較日食奏更為勁切

母將隆

諫賜武庫兵器奏

質確不繁而意已獨至



師丹

定陶共王立廟議

議甚正後世濮議興獻議皆當以此為準

李尋

災異對

篇中援引雖繁其切於治術處固是正論

鮑宣

諫寵外親幸臣書

直而不撓質而無飾故辭無嫌於過激也

論董賢書

辭尚質樸意存伉直所謂布帛菽粟之文可濟實用者也

揚雄

諫不受單于朝書

文法而暢意婉而周

劉歆

毀廟議

引據論議卓爾不羣洵可謂博而篤矣

賁讓太常博士書

辭理明確有功經學之文

賁讓

治河奏

治河之法古今異宜語其大者三策盡之矣

後漢

光武

勅馮異

平定安集光武首舉以訓將帥可謂王者之師仁人之言

報隗囂手書

駕馭羣雄推心置腹無復畛域之嫌

恤民詔

理冤獄釋滯囚以消亢旱之氣較圭璧禱祠遠勝

賜竇融璽書

竇融雄據河西待時觀變光武賜以璽書洞見情事融  
既憚英明又懷大度委心効順永為漢藩所謂一紙書  
賢於十萬師也

再報竇融詔

光武初年公孫述在蜀隗器在隴右皆割據稱雄所恃  
以扼二寇者惟竇融在河西耳帝撫以至誠既無西顧  
之憂復收指臂之勢不數年隴蜀削平帝業之成重繫  
於此

與公孫述書

圖讖之說盛於西漢末年至光武初猶襲用之觀其以赤伏符受命是也故與公孫述書亦舉以立言

賜隗囂詔

屢賜囂書數遣來欵意在保全囂降蜀而自取殄滅宜哉

詔上書不得言聖

德盛而後能謙能謙而盛德益著光武此詔視唐諸帝

之屢上尊號者彌增光烈矣

詔讓劉尚

仁厚之言哀矜惻怛為將者宜深體斯意

地震詔

軫恤災傷具有實政文亦簡質近古

報臧宮馬武詔

光武久在兵間深知用武之擾民故謹於開邊如此

明帝

報桓榮書

明帝尊重師傅即高宗舊學甘盤之義

祀明堂詔

喬喬皇皇聲容俱備東漢之盛史稱明章良有以哉

爵李躬桓榮詔

三代哲王皆盛行養老之典周秦以來斯禮久曠漢明  
帝能修舉於廢墜之後宜乎人心允洽園橋門而觀聽  
者億萬計也



獲寶鼎詔

獲鼎薦廟乃歸美於祖宗讓善於臣子復禁章奏浮辭  
虛譽則善矣

班示封事詔

史稱大禹昌言則拜仲虺贊湯改過不吝明帝班示封  
事猶得斯義

手詔東平王國傳

恩誼篤摯詞致姍雅為善最樂之言允為宗親楷範

申明科禁詔

自古慎終之禮皆有制度品節所以辨貴賤之等安貧  
富之心維持風俗獎成廉讓莫要於此詔語明確足以  
解世之惑

汴渠成詔

黃河激湍奔流助以他水則勢益暴明帝修復隄防所  
以收河汴分流之利臨流而歎禹功繼世宗瓠子之作  
意概亦偉

明德馬皇后

辭封爵詔

明德后損抑外家出於至誠示之以儉帥之以謙正所以保全長久之也明德之識解超矣伏波之遺澤遠矣報帝請封外戚詔

史稱馬后德冠後宮觀其惓惓阻戚畹之封可為萬世龜鑑

章帝

命趙憲為太傅牟融為太尉詔

漢建三公為師傅之官慎簡耆德老成故特重之文復  
典醇有致

實覈受廩詔

矜恤流離務施實惠當無澤不下究之患

地震舉賢良詔

政無大小得人為本自是要言不煩

報東平王

東平因災異上封事章帝虛已採納謙冲之意溢於言表

賜東平瑯琊二王書

賜書中篤念先德敦睦宗親仁孝溫文皆藹然至性之言史稱章帝長者不虛也

論五經同異詔

五經在兩漢時各祖其師說以專家鳴於世章帝特開虎觀詔諸儒講五經同異俾先聖典訓晦而復明漢諸

帝尊經之功大矣

日食詔

舉士先嚴穴母取浮華尤得官人之要

手詔東平王

親親之誼辭愈樸而意愈真

賜公卿助祭錢詔

文質而思深言簡而意長兩漢詔令之所以擅今古也

行秋稼詔

行稼所以省民若供帳勞費適滋煩擾章帝下詔務崇  
省約欲令貧弱有利庶幾夏諺遊豫之善

選高才生受學詔

尊經之言蔚然雅正

賜流民公田詔

人情安土重遷罹水旱而致流移民生之最可矜者恤  
之如此當無鴻鴈澤中之歎

詔報朱暉

朱暉為太守時吏畏其威民懷其惠可謂廉吏故章帝  
報書如此

賜鄭均毛義穀詔

宗獎孝義存問隱逸得為政之要

詔三公

守令最為親民與為才辨無寧簡樸與為精察無寧渾  
厚兩漢罷斥俗吏獎進安靜恂悞之人此吏治所以近  
古也



定律詔

頌成康之盛歸美刑措紀太宗之政首曰縱囚蓋刑辟時當敬慎固不獨冬至立春後不宜報囚也

詔袁安等

集衆思廣忠益以裨廟謨此正晏子和同之辨詔辭深得此意

詔改定禮制

議禮同於聚訟所以貴折衷也文特簡雋適古

稟給孤幼詔

恤孤懷幼仁言惻然

以肥田賦貧民詔

章帝因巡行觀俗東禮岱宗遂踐河防給貧民糧種以勸力農半免所過田租嘉惠生民善政釐舉茲遊故可紀也

勅侍御史司空詔


溫醇愷惻以愛物為順天得體元之義

詔齊相旌江革

江革以至行受上賞獎人倫而厚風俗者莫大焉



聖祖仁皇帝御製文第三集卷三十



總校官庶吉士臣侍朝

校對官檢討臣王鍾健

謄錄貢生臣李敬敏

欽定四庫全書薈要

集部

聖祖仁皇帝御製文三集卷三十三

三

詳校官原任編修臣徐立綱

欽定四庫全書薈要

聖祖仁皇帝御製文第三集卷三十一目錄

雜著

古文評論計八十四條





欽定四庫全書薈要卷一萬三千一百十五

集部

聖祖仁皇帝御製文第三集卷三十一

雜著

古文評論

和帝

罷收鹽鐵詔

昭帝時舉四方賢良即言願罷鹽鐵官迨此時邊方寧謐故毅然去之



求曹相國後詔

念舊酬勲繼絕舉廢詞意溫藹詔旨中極有風致者

選舉詔

漢選舉責成二千石刺史故得人為盛

舉賢良詔

和帝求賢諸詔綽有西漢風致

封班超詔

漢立功西域每求智勇之士置為都尉當時最稱得人

亦由獎勵激賞之典重也

蝗災罪已詔

遇災引咎深自謙抑得詔令之體

擇良吏詔

周宣以雲漢為憂詩人美之斯詔大意略同

留諸王詔

詔語雖簡深得友愛之義

和熹鄧皇后

詔河南尹豹等

貴戚子弟迺國家肺腑股肱幼而不學長且面牆恃貴而驕恃富而侈職此故也此詔辭可謂深中情事矣

殤帝

勅司隸校尉部刺史

痛言俗吏之弊最為嚴切

安帝

旱蝗詔

民生疾苦豈可壅於上聞宜詔詞專及之

霖雨傷稼詔

國家德意惟在有司實意奉行始無屯膏之弊

申制度科品詔

綺縠珠璣之侈濫及厮走與賈誼所論略同正京師以  
示四遠尤得風化之要

順帝

勅桂陽太守文龍

封還大珠責以求媚非徒不貴異物亦以風勵廉節

桓帝

災異詔

酒醪足以糜穀西漢詔令每引以為戒亦貴粟之一端也

竇融

責讓隗囂書

竇融早識成敗可謂智士始終一節不愧貞臣責囂以

大義惜其不能聽從耳

馬援

與楊廣書

委曲婉至動以天性之恩曉以君臣之義其激昂古宕處則龍門筆法也

朱勃

追訟馬援書

馬伏波有佐命之功而未有顯過此書代為辨晰歸於

賞功宥過意良厚矣

班彪

請太子諸王官屬疏

論豫教之道在於審所與居戒慎所習要言不煩

乞優答北匈奴奏

示以坦白得駕馭外藩之體

王命論

應天順人為一篇大指反覆徵引以暢其說文之極有

光燄者

桓譚

上時政疏

定國是重本業所謂政貴體要

復上時政疏

光武時頗尚識緯故桓譚極言之文亦剴直明切

杜林

論增科禁疏



寬禁網捐苛細正以扶進廉潔獎成節概義實相因

張純

正昭穆疏

光武中興漢業以元帝為大宗別建四親廟蓋以嗣繼  
統緒為重亦可以息後世紛紛之論矣

鄭興

日食疏

引春秋洪範以立言皆有根據

陳元

請立左氏疏

左氏傳博雅奇麗敘事擅古今之長公穀文亦多雋逸  
故三傳并傳學宮

朱浮

日食疏

古者吏道以久任為善有治績顯效則增秩賜金璽書  
褒美時守令更代太煩故朱浮因日食言之

與彭寵書

諭以名義動以利害雄快勁直聳然可聽

第五倫

論竇氏疏

勲戚以謙慎為美滿盈為戒第五倫所言不止國家防微之善道亦戚畹保家之明鑒也

勸成風德疏

書稱明作有功惇大成裕惇大者政之體也明作者政

之用也此篇論治以惇大為本文亦簡切

韋彪

置官選職疏

登用大臣以公忠識量為重不在應對小慧簿書末節  
篇中獨暢此義

孔僖

上章帝自訟書

孔僖所陳願開張聽聞即無逸皇自敬德之意

何敞

諫用竇氏疏

指陳貴戚直言不諱非欲摧折之正欲保全之何敞於漢可謂忠矣

徐防

五經章句疏

漢時五經諸家各設博士故箋疏之說有互相逕庭者至宋諸儒而統紀一矣宋儒羽翼經傳之功固自不朽

魯恭

諫盛夏斷獄疏

順時為治欽若之實況刑辟尤所當慎乎魯恭之言實  
與月令相發明

魯丕

舉賢良方正對策

簡直修潔較西漢諸儒之文別為一格

論經術疏

古人於經學守其師說如規矩權衡所以尊經也

班固

文帝紀贊

贊纔二百餘字而文帝恭儉寬仁治功約略已盡固洵良史哉

武帝紀贊

歷敘武帝尊經好古制度禮文之事彬彬可觀矣結處義正辭勁可謂高文老筆

昭帝紀贊

論事措意極其整暇有春容大雅之致

成帝紀贊

敘述所聞用筆輕雋在論贊中又是一格

諸侯王表序

援引周秦論列漢世或詳或略極錯綜變化之致纚纚千言讀之惟恐其盡

高惠高后文帝功臣表序



於論議中引用前人撰著以成文史漢中多有此體

外戚恩澤侯表序

建官惟賢位事惟能矧通侯之爵乎此序逐段用意特見文心

公孫弘一式兒寬傳贊

筆力矯健論次凡數十人絕不覺其煩重

司馬遷傳贊

立論雖駁史遷文之抑揚盡致猶大類其筆法

公孫賀劉屈氂車千秋王訢楊敞蔡義陳萬年鄭

弘等傳贊

鋪敘處如閒雲卷舒自成變態

循吏傳序

吏必本經術以廣教化始能嘉惠元元登風俗於淳古  
此循吏之所以可貴也

貨殖傳序

洞見本原語語鄭重有關世道昌黎原道大意多出於

此

游俠傳序

立言極其正大覺史遷之豔稱駁而不純矣

西域傳贊

每段論敘中幹旋一二語遂覺神采飛動

崔駰

誠實憲書

忠告之意敦迫於中故見之書牘婉惻而周詳憲不知

戒愚孰甚焉

樊準

勸興儒學疏

儒學之興莫盛於東漢至安帝時文教寢衰流風媮薄  
矣此可謂匡時之論

陳忠

論喪服疏

典質不飾嚴慄之色溢於簡冊

容諫疏

敘述古人雖爾繁稱遠引然用意深至彌覺款曲

言中使疏

古穆之氣樸直之辭

翟醕

諫外戚疏

明而切簡而健自是灼見本原之論

虞詡

請復三郡疏

黜然有古光持論亦復精警

左雄

上順帝陳吏事疏

守長於民最親賢否闕閭閭休戚疏中徵引極為典切

郎顗

上災異封事

造語精核故不厭其繁縟

劉梁

辨和同論

博考徃籍斷以正義和同之介較若白黑矣

李固

災異策對

意愈婉而氣愈直謹論碩辭可刊金石

陳事疏

老成卓偉之言自爾伉正

援日南議

萬里赴援既言其失又能策畫方略條論井然謀國之忠何其懇到也

皇甫規

舉賢良方正對策

披瀝直陳於對策中尤為奇特

陳蕃

諫封賞內寵疏



勁爽峭利之中自有沉摯深厚之氣

劉瑜

陳事書

條析當時之弊極盡情致文亦波折古宕

劉陶

鑄錢議

因鑄冶而及農殖真知本之論

張敞

上王暢奏記

用刑不如行恩求姦未若禮賢洵為精義名言

傅變

請誅中官疏

慷慨上書情最真至

蔡邕

上靈帝封事

湛深經術曉達時務封事之佳者

幽冀刺史久闕疏

言議勁正文氣紆徐

諫伐鮮卑議

引据多於論斷然具有精理碩畫

司空文烈侯楊公碑

言能舉其大者故筆力超渾

郭有道碑文

藻腴流利已開晉魏六朝之風然西京矩矱猶存也

文範先生陳仲弓銘

華而不縟故淵穆之氣浩乎無涯

鄭康成

詩譜序

論詩之正變獨為明審

孔融

肉刑議

義有根據語無泛設

告高密縣教

盛事佳文故自可傳

應劭

上漢儀疏

仿仲舒春秋決獄之義刪定律令以為漢儀是有關係  
文字

陳琳

為袁紹檄豫州

筆嚴霜雪氣激風霆不僅以辭采見長

為袁紹與公孫瓚書

立格修整遣言古茂當從呂相絕秦書得來

臧洪

報陳琳書

深情溢於簡牘故音節琅然

聖祖仁皇帝御製文第三集卷三十一

欽定四庫全書薈要

聖祖仁皇帝御製文第三集卷三十二目錄

雜著

古文評論計八十二條



卷三十二目錄

欽定四庫全書薈要卷一萬三千一百十六

集部

聖祖仁皇帝御製文第三集卷三十二

雜著

古文評論

魏

文帝

禁母后干政詔

垂戒深切足以立萬世之防

鵜鴟集靈芝池詔

古雅峭潔然似是有意為之者畢竟與西京詔令有別

輕刑詔

能得欽恤之意

明帝

正嗣統詔

正統緒以重大宗可以息後世紛紛之論

論封禪詔

退浮華崇道本深得治體之言

郎吏分受四經三禮詔

經學吏治兩有裨益

陳王植

求存問親戚疏

情辭懇惻之中時見鋒穎天才秀拔八斗非虛

陳審舉疏

視自試一表語加激切然不免於慙矣方之於詩其小

弁之怨乎

魯孔子廟之碑

鴻文足與鉅典相配

董昭

陳末流之弊疏

指切弊俗有關風教

王朗

節省奏

辭甚典質而功效瞭然籌兵食一段尤見遠略

劉廙

論治道表

論非勦獲自確不可易

衛覲

諫明帝疏

塞正之氣爽朗之筆

楊阜

諫明帝營作宮室疏

典據之言而出之以樸慤

高堂隆

諫興役疏

據理切事反復詳暢

蔣濟

中書專任疏

情事曲盡使人動聽

杜恕

諫考課疏

信賞必罰則考課不為具文恕言得之

諫用廉昭疏

亢激之言難於詳悉此獨得之

程曉

白罷校事疏

雅詞健筆絕無冗蔓



夏侯太初

官才議

其意欲使中正臺閣各不相涉內外叅校以得其真亦  
通達時務之言

除重官議

省官省事甚扼治要

改服制議

國奢示儉甚得損益之宜

蜀漢

昭烈帝

為漢中王上言獻帝

事本權宜而辭義明正不必以矯制為嫌

諸葛亮

出師表

將欲外攘先修內治大臣之誼純臣之心

後出師表

篇首云坐而待亡孰與伐之乃武侯之本計也篇末云  
鞠躬盡瘁乃武侯之本心也光明磊落真可揭諸天下  
萬世

自表後主

只此數言可以質天地而泣鬼神豈不堪與伊周相伯  
仲

正議

大義聳然文辭亦極典美使華歆輩讀之能無赧汗

與羣下教

意在集思廣益以勤攻已闕大臣心事如此

與李豐教

讀此足見武侯之用心公而恕

吳

大帝

責諸葛瑾等詔

懇惻之辭可謂深悉羣情者

讓孫皎書

權文筆古雅乃爾其所見者亦卓然不羣

景帝

答張布詔

英明語能令寵臣心慍

又答張布

語意甚為嚴峻然卒之恐布疑懼遂廢講業可惜也

駱統

理張溫表

權僻處江隅身當強敵正宜布公推誠納讜言而徠雋  
又忌溫稱美蜀政氣量可知矣

諸葛恪

與丞相陸遜書

論甚平恕國家用人之方士類交友之道均宜斟酌斯  
言

上孫奮牋

直截明暢文情亦自款曲

晉

武帝

定祀典詔

嚴整中具有精深見道之言

答司馬孚等詔

晉武篤於天性故所言惋怛

開言路詔

深刻非事理之平斯詔真得治體

答傅玄詔

曠然大公之論出以婉到覺情詞相發藹乎近人

下郡國巡行詔

於時巡之外遣節使周行詔令肫摯文實兼備可謂有  
志於民者

籍田詔

溫潤古雅有漢代遺風



聽鄭冲致仕詔

優禮老臣其意甚殷文亦疏暢可誦

元帝

遺賀循書

循行為俗表學稱儒宗宜元帝禮之

周顗辭職詔

其致雋永語不在多

明帝

定東宮儀制詔

雅瞻春容綽有體裁

康帝

答有司請改服御膳詔

矜貴典藻上逼左氏

穆帝

下王洽詔

追述舊好穆帝待臣下之誼甚厚洽退然克讓尚有古

風

簡文帝

百官詔

簡文雅量清才斯詔亦備極斐疊

答殷浩書

謙冲婉約殷然有求賢之思

羊祜

讓開府表

辭非次之榮廣進賢之義自是大臣美德

上平吳疏

王猛之不勸伐晉羊祜之急請平吳皆洞灼時勢事異而識同也

杜預

考課略

課績為用人之要即優劣以為黜陟自是簡核一法

春秋左氏傳序

左氏之學得預而愈顯表章之功大矣

荀勗

省吏議

省事不如清心為政至論然清心非去私存理有涵養之功者不能也

庾峻

論宜敦禮讓表

晉時凌競成風斯表可謂特挽頽波

劉寔

崇讓論

爭則必損人自見讓則必屈已求賢委曲敷論切中情  
弊

劉頌

刑法疏

法者天下之公若牽文就義則吏緣為奸疏中用意深  
微堪與尚德緩刑書竝傳

劉毅

陳九品八損疏

劉毅秉公剛直在武帝諸臣中最有風節茲疏可謂救時之論

傅咸

陳世俗奢侈書

移易奢風在有位者之節儉探本之論也

上論劾王戎事

歷辨侵官之謬引據詳明而勁挺之氣屹乎其不可奪

李密

陳情表

悱惻出於至性自是不朽之文

陳壽

定諸葛亮故事表

壽因父被髡作亮傳短其將略時論少之觀此表前後  
尚極稱美可見亮之賢雖怨者不能掩也



虞溥

獎訓諸生誥

為學之道淡而不厭久而彌新勉之以立志要之以積漸所以策諸生者至矣

張俊

為吳令謝詢求為諸孫置守冢人表

存恤江東園寢道歸忠厚盛德之事也文亦典藻可則

閻纘

陳保傅太孫疏

忠欸可動鬼神與黃臺瓜辭同其警惻

陸機

辨亡論上

晉書載機少有異才文章冠世今觀其遺篇奇偉雄麗  
張華而下罕其儔匹

辨亡論下

二篇機局全學過秦論但加之以詞藻耳此漢晉風氣

之分

五等論

封建之事今古不同未可執一而論也文特弘博妍贍  
英銳高逸洵是詞場賁育

劉琨

勸進表

琨素著雄豪之名勸進一表辭意慷慨志氣縱橫猶想  
見其翼戴晉室之心

干寶

晉紀總論

推晉之所以興亡幾無遺義然寶晉臣也於尊親之際其尚有隱乎

庾亮

讓中書監表

亮以元舅懿親負時重望而勤修退讓之節其文亦真摯愷切足挽頽風

荀崧

請置博士疏

公穀義例間合聖人本旨而儀禮為經何可廢也

范甯

罪王何論

晉世清談原於莊老而實始於王何甯深切言之斯誠

快論

蔡謨

止庾亮北伐議

權衡強弱持重老成深於謀國視殷浩何啻霄壤

王羲之

止殷浩再舉北伐書

羲之在東晉諸名士中具有經濟之才非徒以文雅見長

與會稽王牋

國家安危所關愷切陳導可謂忠告

遺謝安書

羲之觴咏風流雅興逸致乃能留心實政不祖尚清虛  
真中流砥柱矣

孫綽

諫移都洛陽疏

揣摩時勢條悉利害瑋辭快辯實足折伏桓溫之虛憍

徐邈

與范甯書

邈儒雅博瞻持躬謹密不獨以文采為時所稱也篇中多是名言

戴逵

放達非道論

能以禮度自處深以放達為非不可徒以隱淪目之韓延之

報宋公書

臨難不為強勢所誘真賢叅軍矣裕當為之汗赭



聖祖仁皇帝御製文第三集卷三十二

欽定四庫全書薈要

聖祖仁皇帝御製文第三集卷三十三目錄

雜著

古文評論 計八十條



欽定四庫全書薈要卷一萬三千一百十七

集部

聖祖仁皇帝御製文第三集卷三十三

雜著

古文評論

宋

武帝

與臧燾書

武帝以振興人才為心歸重於經師勸誘可謂知本荆

玉幽蘭之喻清越可誦

文帝

與江夏王義恭書

誠弟之文責以親賢下士改過節用詳盡婉曲復以審慎聽斷為訓亦猶康誥所云明德慎罰之義也

又誠

親切相喻簡而不浮

賜南郡王義宣中詔

家庭之文朴而雅彌見古致

孝武帝

審貢賦詔

審辨方物非其土者不貢非其時者不貢自是仁言文  
復簡峭有色

始安王休仁

皇太子車服議

義取謙約辭近古核庶資參考

傅亮

為宋公至洛陽謁五陵表

寫洛陽舊宮景物有詩人禾黍之慨

何尚之

陳庾炳之得失

敘事磊落有法見古人奏章簡質處

出庾炳之為丹陽尹答

覆論勁直嫉惡之義甚嚴

范曄

後漢書皇后紀序

引周禮兩漢間事又歷陳監戒之言辭宛而義深有國家者當與尚書牝雞無晨之句叅看庶不至椒房近戚之累歟

吳蓋陳臧列傳論

文儷而嚴意以偃兵為重

中興二十八將論



先武以封爵待功臣而不責以吏事故保全者多文獨  
扼此發議

孔融傳論

文有嚴毅之氣肅穆之容

周黃徐姜申屠列傳序

引數事以成文亦是一格

黨錮列傳序論

敘黨人始末詳盡從四豪任俠立論其源起於氣矜其

弊成於羅織可謂論世之識

宦者列傳序

東漢之末宦寺流弊已極斯文能痛切言之

逸民傳序論

敘述潔已之士文亦簡裕

齊

高帝

賜張融衣手詔

數語意致深雋

答劉善明

古調清音

又答

謙沖和易見延佇之忱

答蕭景先詔

命意弘長詞亦近雅

武帝

禁婚葬奢靡詔

切中風俗之弊

勅廬陵王子卿

謹侈靡是訓宗藩第一義故言之惓惓

勅晉安王子懋

以世務為根本片言居要

豫章王嶷

上世祖啓

大指以敦大易繁瑣自是篤論

竟陵王子良

諫遣臺使疏

敘臺使擅威福擾吏民之弊曲盡情狀

陳時政啓

六朝文尚駢麗此獨簡潔峭勁有裨民隱

孔顗

鑄錢均貨議

圜府泉法始於周禮而論列體製於此為詳

顧憲之

牛埭稅權議

析理既明言事亦爽

孔稚圭

上撰定律章表

大意與路溫舒尚德緩刑疏相近

梁

武帝

詳立條格令

意在去奢返樸興於厥躬史稱武帝豆羹糲食克儉於身於此可見

禁祝史祈福詔

倣古人責躬之義語亦簡當

檢括封事詔

念切民事而出以古腴之辭

勅外司明加聽採隨事舉奏詔

洞盡物情言之懇懇

與謝朓勅

求賢若渴如讀白駒空谷之詩

與何點詔

敦故舊重隱逸敘述疇昔情緒深婉儼然光武之待子陵

徵何胤手詔



何點何胤史謂其居貞物表縱心塵外故武帝優詔敦  
勸之如此

又勅

勤懇之情形於簡牘

又勅

遣弟子就東山受學武帝禮賢可謂篤矣

輔政上銓序表

六朝九品中正法類登世族而抑寒畯故言之獨切

簡文帝

請賀琛奉述毛詩義表

敦崇詩學敷言雅令

答徐摛

詞語輕雋有致

邵陵王綸

與湘東王繹書

史稱綸聰警有才學忠孝獨存觀此書信矣

沈約

宋書良吏傳序

論宋吏治得失却本奢儉以立說亦探源之識也

孔羊沈列傳論

以常平積穀為扶災利農之本有裨民瘼

恩倖傳論

言情事皆曲折盡意文亦華實相副

任昉

天監三年策秀才文三首

策問三事阜民化俗納言皆切會治理文亦贍美而有  
逸韻

為卞彬謝修卞忠貞墓啓

敘先世忠孝有斐篤之思

上蕭太傅固辭奪禮啓

文生於情不須賁飾自然雅健

蕭子顯

南齊書倖臣傳論

摹寫情況入微前代多用宦寺典兵故言之尤切

陳

文帝

修前代墓詔

瞻念忠烈加恩丘墓藹然仁厚之音

徐陵

奉使鄴都上梁元帝表

駢偶之文緯以經史故麗而有則

宣示諸求官人書

意在澄敘官方文亦簡而有韻

沈炯

請歸養表

詞婉而意迫詩曰將母來諗此亦庶幾風人之言

北魏

太武帝

辟召賢良詔

平粹之音不為覈急

頒制詔

森然尺度之文亦復機神流暢

文成帝

遣使巡行詔

遣使之辭如此詳括殆非具文

孝文帝

條禁州牧詔

意在禁防而辭多沖挹要當使牧守內愧革心不專以法令相迫也

決遣民獄詔

月令孟夏斷薄刑決小罪出輕繫即此詔之意

復靈丘租調詔

語樸而摯

免租算詔



金史卷一百一十三  
有勤恤之實心故能有丐貸之實政非汎然仁心仁聞也

求直言詔

刊煩華存簡實兩言已得體要

文明太后喪服詔

其言惻怛可以興起

答有司卜祥日詔

卜祥而筮永吉似非禮意此能折衷至當

孟月廟祀詔

斟酌古今可垂禮典文亦有淵穆之氣

徵王肅詔

情文嫺雅濃至可感可誦

與彭城王勰書

教先宗族王化之原彭城親賢無慚德舉

任城王澄

諫高祖幸豫州

有敦樸之質無枝蔓之辭

請修繕國學奏

言裨教典情自纏綿

北海王詳

定律令奏

課吏自當以公清為重此奏得之

元暉

論御史巡行疏

遣使巡行公私煩擾誠不若委任牧守慎選而嚴課之  
之為得也

張普惠

與任城王澄奏記

稱古昔引經義嚴毅之論典確之文

韓麒麟

陳時務表

此表可以厚生可以維俗古今通義也

韓顯宗

上時事書

切於事理言雖多而不覺其長

孫惠蔚

請收校典籍表

言似緩而實切未可以疎闊目之

崔光

答宣武帝難異表

明確無浮響故當使人傾耳

災異表

質實良具至理不以字句見長

甄琛

請弛鹽禁表

弛禁固為善政第須有實心實惠及民始為無弊耳

邢巒

再上伐梁表


洞晰利害如聚米如借箸似趙營平屯邊諸疏

高謙之

請復縣令面陳舊制疏

為畿縣令不可少此風裁足使權貴斂手避之

聖祖仁皇帝御製文第三集卷三十三



總校官庶吉士臣侍朝

校對官檢討臣王鍾健

謄錄貢生臣李敬敏



欽定四庫全書叢要

集部

聖祖仁皇帝御製文集卷二十六

四  
六

詳校官原任編修臣徐立綱

欽定四庫全書薈要

聖祖仁皇帝御製文第三集卷三十四目錄

雜著

古文評論

計七十一條





欽定四庫全書薈要卷一萬三千一百十八

集部

聖祖仁皇帝御製文第三集卷三十四

雜著

古文評論

北齊

邢邵

請建明堂太學疏

語華意質非僅聾聵之工

杜弼

為東魏移梁朝檄

度策梁事如符契悉合而文筆雅健

北周

武帝

停徵發詔

息事寧人恤民之善經治理之要道仁音琅琅可以感人

毀露寢諸殿詔

文旣莊雅氣亦淵茂不事雕琢而渾噩之致見乎尺幅  
中此後代詔令之最近於文景者

報于謹詔

詞意篤摯隆禮勲舊猶有盛世之風

于謹為三老詔

敦行古典得憲老乞言之遺意

蘇綽

為周太祖作六條詔書

治平之理此六條足以盡之要當以力行為亟亟耳

第二條

此以王道立說有古儒者氣象

第三條

重農務本乃王政之大端措置處亦井然明悉

第四條

天之生才自足供一代之用豈有借才於異代此自是

千古名言

第五條

天地之大德曰生重物之生所以奉若天道故矜慎刑獄是治天下第一義也

第六條

此言征稅亦救時之務以上六條當時令百官誦習牧守令長非通此者不得居官蓋重其言而用之如此

庾信



賀平鄴都表

警言麗中自有典則

功臣不死王事請門襲封表

以典核之辭抒懇惻之悃無嫌其為駢儷也

隋

文帝

辭封禪詔

謙沖非由矯飾無須辭費

正樂詔

聖王制作之精意此雖未能詳盡然其識議亦有可擇  
與元諧勅

語不多而有令音亦耀德不觀兵之意也

賜高麗王湯璽書

曉示遠人必如此朗暢始可悉其情事文亦質實

牛弘

請開獻書之路表

此表有功經籍不在王儉阮孝緒下也

李諤

論文體書

不獨文教有裨亦可使頽風歸厚

唐

高祖

修定科律詔

漢高入關除秦苛法唐祖受禪修隋律令一代創興以

刑法為重務其規模可概觀矣

太宗

金鏡

唐之太宗致治幾於三代之隆今覽金鏡所載其於處  
已行政用人之道亦何其見之明而言之詳也此所以  
追蹤往古歟

致仕朝叅在見任本品上詔

春容雅瞻淵淵金石之音

賜孝義高年粟帛詔

敘意屬辭婉切暢悉殊覺情文生動

誠厚葬及賜功臣陪塋地詔

深情內蘊麗藻外敷

褒李大亮書

溫純深潤詞不煩而意甚摯

帝範序

述天位之不易敘王業之艱難垂訓後昆特為深切

帝範後序

意既切至文復典正純雅

晉宣帝傳贊

選詞厚縟而大義相繩處殊自嚴正不磨

晉武帝傳贊

文瀾浩渺而反覆抑揚於當時情事最為穩切

睿宗

褒魏知古手制

清辭簡指悠然自遠

勞畢構璽書

條數弊源洵為探本之論而文彩爛然使人耳目一新  
明皇帝

發宣撫使勅

典正之論而辭涉華腴則質文損益風會使然也

求賢良詔

意既纏綿而言皆雅令

誠勵風俗勅

清靜不擾和平不爭王道之成何以加此

焚珠玉錦繡勅

英茂鴻駿亦古人貴五穀而賤金玉之意

勅朝集使

拊循斯民惟牧守是寄一不稱職則兆人何賴焉教勅  
之辭故宜諄切如此

勅朝集使



辭義何等殷切是不欲僅奉行故事者明皇初政所以蔚然可觀

處分朝集使勅

吏治所賴以振飭者全在敷奏明試之時不如此深切鄭重安能致理故知臨軒勅遣非屬具文也

孝經正義序

說經之家往往鑿空騁異使聖人之道不明於天下此能深斥其流弊而文亦簡貴可傳

肅宗

讞獄詔

有惻怛之思故文情條暢

代宗

增修學宮詔

金革之餘加意文學不惟收拾人心自是立國本務

大赦詔

播告之文語意加詳而名理亦復斐亹

德宗

亢旱罪已詔

文辭瞻潤而有真意流貫其間命令之佳者

褒功臣詔

思老成之功烈而欲圖列其容儀亦所以勸後勵世也  
君臣箴

有訓誡之誠有勸勉之義上下勤恤庶幾盛世遺風  
西平王李晟東渭橋紀功碑

敘戡定之烈奕奕精采文雖以偶麗見勝而西京遺軌猶存

贈太尉段秀實紀功碑

監義正大播辭詳整可以植綱常勵風教

武宗

毀佛寺制

明斷之舉弘碩之論洵有裨於風化人心

傳奕

請除釋教疏

痛斥異端理明氣壯始能為此非過激也

徐賢妃

諫息兵罷役疏

謇諤之辭得於宮掖貞觀之治故爾流聲千載

房喬

諫伐高麗疏

文勢浩瀚靡有涯涘

魏徵

論治疏

反覆援引文勢自相貫注辭亦淹暢不拘

請罷工役疏

論古今奢儉非擷華攬藻之文

上十思疏

風格詳整中特多懇到之語

論十漸不克終疏

易戒履霜書言惟幾皆致謹於漸之義魏徵舉十漸以立說殆亦慎終於始之道也

求賢審官疏

開闢盡變列論臣品可謂曲中

張玄素

請罷修乾元殿疏

辭不煩蕪而義甚爽豁彌足使人繹思

李百藥

封建論

該洽精詳深明於損益之宜利害之故可謂閎辭碩謀  
矣

馬周

論奉親享廟襲封樂工等疏

劉篤之辭出之以委蛇蓋由其忠誠內結耳

岑文本

上太宗勤政疏



開引其端而所包至廣政之體要略盡於此

褚遂良

請復高昌疏

唐之郡縣高昌者國家服遠之略遂良請復高昌者臣  
子謀國之忠兩者正不妨並美耳

張蘊古

大寶箴

炳炳琅琅如觀禮樂之器

狄仁傑

請赦河北諸州疏

定亂之方惟崇尚寬大則能消人心之疑懼而反側自安斯謂洞晰機要

諫造大像疏

摹寫勞費曲盡俗情佛骨表意多本此

請罷百姓戍四鎮疏

請罷四鎮遠戍以息百姓命意與賈捐之罷珠崖對同

而文之頓挫古鬱亦近之

劉知幾

上蕭至忠書

班馬以前以專家著美晉唐而後以衆手多疵推論史局之難蓋後先一轍矣

陳子昂

對利害三事

論事簡當不涉支蔓百姓安則樂生不安則輕生洞達

人情可謂經國之言

諫雅州討生羌書

子昂本蜀人故言蜀用兵利害警切動聽蜀恃險為固  
險不可使通良有遠識

蘇安恒

請復位於皇太子疏

論還政事不少為婉避之詞文自有奇氣

救魏元忠疏

語簡而氣岸唐文之似兩漢者

聖祖仁皇帝御製文第三集卷三十四